

ները: Ասոնք բոլորն ալ հետագային կոչվեցան «Մյուհենտիսյան» տառեր:

Մյուհենտիսյանը տարի մըն ալ գործակցեցաւ Գրիգոր Ռաֆայելյանի հետ (1882—1883), որ Պեյօղլուի իր բնակարանին մեջ ձուլարան մը ուներ: Բացի թուրքերէն տառերէն, զանազան տարիներու ընթացքին ան փորագրեց 11, 8, 14 և 18 համար շրիֆթներով զլիսատառ և մանրատառ 14 տեսակ հայկական գիրեր և երաժշտական նոթաներ (1846—1855): Ան տարբեր նյութեր բովանդակող մեծաթիվ հայերէն և քանի մը հունարեն գիրքեր (1840—1873), լրագրեր տպեց (1853—1863): Իր փորագրած օսմաներէն տառերով կազմեց գեղատիպ ժողովածու-ալպոմ մը և ելամտական նախարար Մահմուդ ձեւալեզդին փաշայի միջոցով այն ընծայեց սուլթանին: Վերջինս զայն պարգևատրեց 4-րդ կարգի Մեճիհիյէ և գեղարվեստից (Սանայիի նեֆիսե) շքանշաններով: Իր մահվան ատեն մամուլի գործիչները գովաբանեցին, մինչև անգամ չ'զլացան հռչակել զայն որպէս «թուրքերու Գոստենբերգ»: Դարձյալ Մյուհենտիսյանն է, որ Թուրքիայի մեջ առաջին անգամ կիրառած է կալվանոյի ստերիոտիպի (ցինկոգրաֆիայի) մեթոդները:

ԽԱՉԻԿ ԳԵՎՈՐԳՅԱՆ—Տպարանատեր և գրածուլիչ: 1850 թվականին ծնած է Իսթանպուլի Պալատ արվարձանը և մեռած է 6 հուլիս 1932 թվականին: Հայրը, որուն անունն էր Գևորգ, Ամասիացի դերձակ մըն էր: Նախնական կրթութիւնը ստացաւ Պալատի Խորենյան նախակրթարանը: 14 տարեկանին աշխատեցաւ Վեզիր խանին մեջ գրածուլիչ Տիգրան Ասլանյանին քով: 10 տարի վերջ գործատեղին փոխանցեց իր անունին (1880): Գևորգյանը կարճ ժամանակի մեջ 11 տեսակ տառատիպեր ստեղծեց և անոնց կազապարները պատրաստեց: Այս տառերը, որոնք ձևով կը լրացնէին Արապյան տառերը, երկար տարիներ գործածվեցան թրքական տպարաններու մեջ: Այդ տառերէն քանի մը հատը հետևյալներն են՝ «Նեսիհ» (8, 12, 24 համար շրիֆտով), «Հարեբելի» (ձայնանիշային 18 և 36 համար շրիֆտով), «Բիք'ա» (ձեռագրատիպ 18 համար շրիֆտով), «Քյուֆի» (16 համար շրիֆտով): Իր գործատեղին նախ փոխադրեց Օսման Պեյի տպարանը, այնտեղէն ալ Պապը Ալի: Ատեն մը աշխատեցաւ Գեղարվեստի Ակադեմիան (1895—1896), 2-րդ սահմանադրութենէ վերջ Բեշտոյիյի Իքսամ խանը և ամենէն վերջն ալ ձալպօղլու վրա հիմնեց իր գործատեղին: Խաչիկ էֆենտի, որ իր ժամանակաշրջանի տպագրական ասպարեզին մեջ կարևոր դիրք մը կը գրավէ, իր հնարած գեղատիպ տառերէն զատ Ահմեթ Միտհաթ փաշայի